



KHUTBA JUMMAH

HADHRAT MUHYI-UD-DIN AL-KHALIFATULLAH

MUNIR AHMAD AZIM

29 Mars 2019

21 Rajab 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor :

LA POLITIQUE « BIENVEILLANT » ET « ANTI-RELIGIEUX »

Comme le Khalifatullah du Jamaat Ul Sahih Al Islam, en mo nom personnel et au nom du Jamaat, mo remercier le Premier Ministre de la Nouvelle-Zélande Jacinda Ardern, pour so soutien à la Communauté Musulmane ki bouleversé par l'attentat du 15 Mars 2019. Li fine donne ene très zoli l'exemple comme ene Chef d'État à tous bane chefs d'état et spécialement bane chefs d'état musulman et particulièrement le Premier Ministre de Pakistan.

Mo bizin dire ki l'attitude du Premier Ministre de Nouvelle-Zélande, Jacinda Ardern, après l'attentat de Christchurch fine suscite le respect et l'admiration du monde entier, ene respect et l'admiration ki bien mérité ! L'empathie et détermination ki li fine affiché donne li aussi ene l'air bien sérié et ki rare (parmi bane politiciens). Et c'est sa respect et sa détermination pou protége bane innocents et pou soutenir bane familles de bane victimes et pou agir couma ene vrai chef d'état, c'est sa ki fine rende li extraordinaire (dans lizié de bane dimounes). Li fine conne agir couma bizin et unir so bane citoyens dans le malheur.

Sa madame là li au pouvoir depuis à peine 18 mois. Li pé affronte bane séquelles d'ene tragédie sanglant ki pou marque à jamais l'histoire de la Nouvelle-Zélande. Mais Premier Ministre là pé recueillir déjà bane louanges pour so mélange de détermination et de compassion face à sa épreuve là. Quelques heures après l'attaque de sa deux Masjids dans Christchurch par ene suprémaciste blanc [c'est-à-dire, ene kikaine ki extrémiste et raciste et ki milite pour la cause de la supériorité de bane blancs lor le reste du monde], et kot sa l'attaque là fine faire 50 morts ; 50 musulmans fine mort. Jacinda Ardern fine alle dans localité du sud, et li fine mette ene *Orni* (Hijab), en témoignant de so solidarité avec bane familles de bane victimes.

Le lendemain, dans Willington, sa dirigeant du parti travailliste de Nouvelle Zélande là, ki âgé de 38 ans fine à nouveau recouvert so la tête avec ene *Orni*, et li fine maille dans so les bras bane membres de la communauté musulmane ki sous le choc.

Sa témoignage de solidarité et de douleur ki partagé là pé cause [pé causer] à nombreux de bane habitants de la Nouvelle Zélande ki pé senti zot azordi vulnérables et ki solidaire ensam pou rejette bane l'idées de haine ki sa terroriste islamophobe là fine répanne partout.

Mais Jacinda Ardern fine dépasse so rôle de consolateur en chef pour affronte bane défis ki sa extrémiste australien fine posé, ene telle terroriste ki fine réussi rentre dans so pays, à l'insu de bane agences de renseignement, kot li fine capave aussi assté légalement bane z'armes de guerre et commette sa bane massacres là. Toute de suite après sa massacre là, sa Chef de gouvernement là fine mette li au travail pou régler sa bane problèmes là, kot li fine annonce ene changement de la loi lors bane z'armes. Pendant ene de so bane nombreux interviews lors télévision, li fine dire d'ene ton calme et rassurant : « *Mo conné ki ena actuellement douleur dans Nouvelle-Zélande mais ena aussi la colère ; ena bane questions ki bizin réponne.* »

Kan président américain Donald Trump fine appelle li pou propose so l'aide après l'attaque de bane Masjids, Jacinda Ardern pas fine cachiette so l'hostilité face à certains politiques de sa locataire de la Maison Blanche là (Donald Trump) et li fine servi le manque de popularité du président de l'amérique dans Nouvelle-Zélande pour renforci so propre position. Li (Jacinda Ardern) pas fine hésiter pou

rende publique sa conversation là. Et parmi bane causer ki li fine dire li, li fine aussi conseille Donald Trump pou montrer « *de la sympathie et de l'amour à l'égard de tous bane communautés musulmanes* ».

Ene semaine après bane l'attaques de bane Masjids, Premier Ministre de la Nouvelle Zélande (*ki fine aussi attire bane critiques et cynisme de bane islamophobes*) et bane citoyens de sa pays là fine donne ene leçon de grand solidarité au monde entier pendant Jummah le 22 Mars 2019. Le Premier Ministre, Jacinda Ardern ti aussi présent, parmi des milliers de bane dimounes ki fine rassembler dans Parc de Hagley, près avec Masjid Al-Noor, et li ti habiller en noir, et li ti entourer avec bane madames la police ki zot aussi fine mette *Orni* (Hijab) couma li.

Sa Jummah là ti passe lors bane télévisions, bane radios et lors plusieurs sites internet. Pays là fine ensuite observe deux minutes de silence, surtout pendant bane rassemblements ki ti organisé dans Auckland, Wellington et plusieurs les z'autres la villes.

C'est Imam Gamal Fouda ki fine lead Jummah. C'est sa Imam là même ki fine réussi sappé depuis sa fuziyade là. Li fine lead Jummah et dans so Khutba li fine dénonce la haine tout en notant sa l'élan de solidarité extraordinaire ki fine manifester dans Nouvelle-Zélande depuis sa tragédie là. Des milliers de bane dimounes fine dépose zot bane bouquets fleurs lors trottoir en signe de respect et de sympathie. Bane dimounes de tous bane communautés fine organise ene marche de solidarité pour vine assister Jummah zot aussi. En signes de solidarité avec bane musulmans, plusieurs bane madames fine zot aussi mette *Orni* ou Hijab avec beaucoup de respect.

Après sa bane l'attentats atroces et impitoyables là, la Communauté Musulmane dans le monde, malgré nous douleur profond, mais faudé pas nous laisse nous abatte par sa. Sa bane épreuves là bizin au contraire consolide nous et non pas détruire nous. **L'union fait la force**. Bane musulmans bizin sorti de zot sommeil, zot bizin sorti de zot l'état de choc et unir couma ene sel lécorps et ene sel l'âme pour montrer la beauté de l'Islam et la perfection de l'humanité de nous Saint Prophète Muhammad (saws). Sans l'unité de bane musulmans, nous pou témoigne encore de bane massacres. **L'Islam en danger...**

Donc, pour terminer, mo bizin dire ki l'islam fine condamne, et pou condamne toujours la barbarie. Tous bane communautés bizin reste solidaires en toutes circonstances. Ici à Maurice, ena bane Masjids, bane Mandirs, bane Kovils, bane l'Églises et bane Pagodes ki co-exister en harmonie. Sa bizin reste coumsa même pour tous les temps. Bizin ena le respect pour tous bane communautés, cultures et la foi. Kan nous analyse bane atrocités contre bane musulmans, nous constate ki zot fine perpétré non seulement dans Nouvelle Zélande mais également dans bane les z'autres pays tels ki la Chine, Birmanie, la Syrie, Cachemire etc.

DJIHAD - LA GUERRE SAINTE

Bane différents raisons ki capave explique l'islamophobie zot principalement d'ordre politique, kot bane politiciens servi de la peur de bane dimounes pour l'islam pour arrive au pouvoir. Bane politiciens sans foi ni loi, bane ki pas ena aucaine respect pour la religion, bane ki pas ena aucaine la honte pou commette le mal, sa bane là zot servi la peur de bane dimounes pou vine au pouvoir et par la suite zot accapare tous bane ressources naturelles. L'islamophobie donne zot sa pouvoir là, et alors zot injecter encore plisse la haine dans lécoeur de bane dimounes envers bane musulmans.

Et non seulement sa concerne bane non-musulmans envers bane musulmans, mais aussi bane musulmans envers zot propres frères et sœurs musulmans. Ene politicien ki fanner dans so politique et ki alle vers l'égarement, ene tel politicien conne très bien ki le système islamique pas permette ki bane conflits et la guerres zot gagne l'étiquette de la guerres saintes (*Jihad*). Mais selman, malgré sa, à sak fois ki ene pays, surtout ene pays musulman, faire face à ene danger et ki ene la guerre li imminent, bane politiciens fine zoine force avec bane Mullahs pour exhorte la masse pou soutenir sa soi-disant *Jihad* là. À la suite de sa, le monde arrive à témoigne encore plus de dégoût à l'égard d'ene tel pays et reste convaincu ki sa pays ki capave proclame publiquement ki *Jihad* islamique pas encourage personne pou servi la force pour la propagation d'ene idéologie, mais selman kan sa même pays là décider, li pas hésiter pou servi sa à so l'avantage. C'est-à-dire, sa bane kalités pays et chefs d'état reconnaite ki Jihad islamique pas servi la force, mais selman zot détourne parole d'Allah, et saki zot dire lors zot la lèvres, pas corresponne avec zot bane actions, et kan zot bizin servi la force, zot mette *Jihad* divant divant et passe sa couma légale pou ki zot servi la guerre sainte comme ene prétexte pou la guerre contre bane les autres – ki li musulmans

et non-musulmans. Sa tel l'attitude double-face là li ene chose courante azordi jours et bane politiciens aussi fine servi sa dans le passé aussi pour zot propre profits, pour zot propre l'avantage.

Ene coup d'œil lors l'histoire de bane conflits permette nous pour trouver, à nous l'étonnement ki bane musulmans fine à tort donne l'étiquette de guerre sainte (*Jihad*) à sak bataille ki fine livrer. Pas ena ene la guerre ki fine livrer contre bane non-musulmans ou contre zot bane propres frères de même la foi ki zot (c'est-à-dire) - bane Sunnis contre bane Sunnis, bane Shias contre bane Shias, bane Shias contre bane Sunnis ou l'ensemble de la Communauté Musulmane contre bane Ahmadis – (alors pas fine ena ene la guerre ki fine livrer contre sa bane là) ki pas fine gagne l'étiquette de Jihad. Li vraiment étrange ki bane tel la guerre fine gagne le terme de « *Jihad* » par bane Mullahs et bane politiciens musulmans.

Bane conflits – nous trouve sa partout dans le monde mais c'est bane musulmans tousel ki donne sa bane conflits là le caractère d'ene la guerre sainte. Le plus grand nombre de sa bane soi-disant la guerres saintes là fine livré par bane musulmans contre bane musulmans même et sa bane ki fine la guerre là fine touye zot entre zot-même au nom du *Jihad*. Sa fine vine couma dire ene farce, ene joke, et sa même farce là fine prend dimension d'ene tragédie. Ene tel tragédie ki rempli de douleur, et ki maintenant nous bizin mette ene terme à sa. Li ene vrai paradoxe et ene pli gros farce de nous l'époque et sa fine à tort être attribuer à l'Islam (tandis ki l'islam pas permette bane tels la guerres, mais sa bane kalité dimounes là, zot servi sa à zot propre l'avantage et zot donne ene mauvais nom à l'Islam. Ene poignée dimounes fanner, et c'est l'ensemble de l'islam ki gagne ene mauvais nom). Sa c'est tragédie ki pli douloureux ki nous pas fine capave débarrasse nous de sa pendant sa 14 siècles ki fine passer là. Si zot ouler donc change zot destin, zot bizin change zot bane l'idées, zot bane perceptions, zot bane tendances, et zot bane conduites. Aussi longtemps ki bane musulmans pas révolutionne zot façon de penser, zamais zot pas pou capave apporte kit changement dans le monde.

Péna pli fausse ki sa ki pou déclarer ki fine arrive l'époque pou servi l'épée et fizi pou répanne la vraie religion d'Allah et la piété. L'épée li pas la solution et li loin pou révèle bane beautés et bane excellences de la vérité ; au contraire li rende sa encore pli douteux et envoie la vérité dans l'oublié. L'épée ou la force fer

dimounes gagne ene dégoût pour l'islam tandis ki l'islam pas même prêcher pou servi la force ou bane z'armes pou propage li partout.

Bane ki dire autrement zot pas bane camarades de l'islam, mais bien so bane l'ennemies. Zot ena bane plans bien obscures, bien douteux. Zot d'ene nature médiocre, et sa bane dimounes là faire preuves d'ene ti l'esprit et zot pas démontrer aucaine l'intelligence. C'est sa bane kalité dimounes là ki ouvert chemin pou fer objection contre l'Islam, kot alors zot fer le tout pour le tout pou étouffe saki l'islam vraiment prêcher, mais li ene vérité ki pas capave dénier ki l'islam pas soutenir sa ditout, ki servi la force pou propage li. Sa bane kalités mauvais dimounes là dire ki l'islam bizin l'épée pour so propagation et alors zot remette en question so pureté et zot discrédite so nom sacré dans lizié de sa le monde là. Sa religion ki capave facilement établir so véracité par bane arguments intellectuels et sains et par bane signes divines, pas ena aucaine besoin pou servi l'épée pou effraye bane dimounes et convaincre zot pou convertir à l'islam.

En tant ki bane serviteurs d'Allah, nous tous ena ene responsabilité envers l'humanité. Si pas ena l'unité dans ene pays, pas pou ena prospérité. Pas oublier ki tout di sang li ene même couleur, c'est-à-dire, tous dimounes ena même disang dans zot la veine. Disang de sakaine, pour zot tout li rouge. Tous dimounes, dimounes même sa. Nous pas capave contenir nous larmes kan nous trouver couma sa terroriste – ki milite pour la supériorité de la race de bane blancs et ki incite à la haine contre bane musulmans – fine massacré sa bane dimounes là, dans ene lieu de prière, dans bane Masjids. Sa c'est ene acte inhumain ! Le terrorisme couma mo ti dire zot la semaine dernière, pas ena aucaine religion. Nous pas capave critique ene religion ou ene pays à cause ene poignée de bane terroristes. Nous dire **NON** à la terreur et au racisme.

Ki Allah protège bane innocents et bane ki ena les cœurs purs contre le mal de bane vissié, et de bane criminels, et ki Allah pardonne à bane ki réforme zot bane conduites et ki rapproche zot de l'humanité, en ayant ene lé cœur rempli de miséricorde envers la race humaine dans so l'ensemble. *Ameen.*